

SCRIPT OF MORNING GOJRI NEWS BULLETIN 11FEB 2025 1015HRS

مارننگ گوجری نیوز بولٹن 11 فروری 2025

یوہ آکاشوانی جموں ہے محمد اکرم تیں خبر سٹو۔

PM FRANCE VISIT

وزیر اعظم نریندر مودی اج پیرس مانہ فرانس گا صدر ایمینول میکراں گے نال گل بات کریں گا۔ جس غو مقصد بھارت فرانس تعلقات نانہ مزید مضبوط بنائو ہے وے اس دوران کلیدی دو طرفہ گل بات مانہ وی حصو لیں گا جت بھارت تے فرانس گے درمیان کئی اہم دوطرفہ معاہداں ور دستخط ہون گی امید ہے وزیر اعظم نریندر مودی اج مسنوعی زبانت یعنی اے آئی اجلاس مانہ وی شمولیت کرن واسطے تیار ویں گا۔ جت بھارت عالمی اے آئی مصیلاورت قائم کرن تے زمہ دار مسنوعی زبانت ور مبنی ترقی نانہ فروغ دین غا مقصد نال شریک صدارت ہے گزشتہ رات فرانس پو جن ور وزیر اعظم نریندر مودی گو گرم جوشی نال خیر مقدم کیو گیو۔ وزیر اعظم نے اس دوران امریکہ کا نائب صدر جے ڈی وینس نال وی گل بات کی۔

OMAR SHAH MEET

جموں کشمیر غا وزیر اعلیٰ عمر عبداللہ نے سوموار نانہ نوی دہلی پارلیمان مانہ مرکزی وزیر داخلہ امت شاہ تیں ملاقات کی۔ آکاشوانی جموں گا نمائندہ غے مطابق ملاقات تیں بعد عمر عبداللہ نے دسیو کہ انہاں نے وزیر داخلہ نال اہم معاملات ور تفصیلی گل بات کی۔ انہاں نے صحافیان نانہ دسیو کہ اس ملاقات مانہ کئی موضوعات ور گفتگو ہوئی جن مانہ جموں کشمیر غی ریاستی حیثیت غی بحالی سکیورٹی صورتحال حکمرانی تے اسمبلی غا آئینہ بجٹ اجلاس جیسا مسائل شامل تھایاہ ملاقات وزیر اعلیٰ بنن تیں بعد عمر عبداللہ غی تیسری ملاقات تھی۔ یاد رہے جے عہدہ سنبھالن تیں فوراً بعد ۳۲ اکتوبر ۲۰۲۲ نانہ انہاں نے پہلی بار وزیر داخلہ تیں ملاقات کی تھی۔ اس تیں بعد ۹۱ دسمبر ۲۰۲۲ نانہ دوسری ملاقات ہوئی جس مانہ انہاں نے جموں کشمیر غی ریاستی حیثیت غی بحالی تے منتخب حکومت نانہ درپیش مسائل ور تبادلہ خیال کیو تھو۔

SPEAKER HOUSE COMMITTEE

گزشتہ روز جموں کشمیر اسمبلی غا سپیکر عبدل رحیم راتھر غی صدارت مانہ ہاؤس کمیٹی غو اجلاس ہوو جس مانہ مختلف اراکین اسمبلی غی طرفوں چایا گیا مسائل ور گل بات کی گئی اس اجلاس مانہ حزب اختلاف لیڈر سنیل کمار شرما، غلام احمد میر، نظیر احمد خان، سورجیت سنگھ سلاتھیہ، اعلیٰ محمد ڈار، جاوید حسن بیگ، چودھری محمد اکرم تے وہید آر رحمان پارا بطور کمیٹی ممبران ات موجود تھا۔ اجلاس مانہ اراکین اسمبلی نانہ جموں تے سرینگر مانہ قیام غے دوران درپیش رہائشی تے دیگر مسائل ور تفصیل تیں گفتگو کی گئی۔ اسمبلی غا ارکان نے اپنی تجویز پیش کیں تانجے انہاں نانہ دواں شہراں مانہ بہتر رہائش فراہم کی جاسکے۔ سپیکر نے یقن دوايو کہ ان غا تمام جائیزہ مطالبات خاس طور ور رہائش تیں متعلق مسائل غا حل جلد ہی کٹیا جیں گا۔ اس اجلاس مانہ جموں کشمیر اسمبلی غا سیکرٹری منوج کمار پنڈت تے دیگر اعلیٰ افسر وی موجود تھا۔

BUSSINESS RULES COMMITTEE

قانون ساز اسمبلی گی بزنس رولز کمیٹی اج اپنو چوتھو اجلاس منعقد کرے گی جس مانہ اراکین اسمبلی گے درمیانی گردش کرن آلا نظر ثانی مسودہ قوانین ور گور وکوس تے اُس نانہ حتمی شکل دین گو امکان ہے آکاشوانی جموں گا نامہ نگار نے اہلاع دتی ہے کہ یہ میٹنگ پہلا مسودہ نانہ اکسان بنان واسطے گج ممبران کی طرفوں رائے گا تناظر مانہ ہوئی ہے واضع رہے جے پچھلی میٹنگ مانہ گج اداکین نے مسودہ قواعد نانہ مزید فحستر شکل دین کی ضرورت ور زور پایو تھو۔ تے اُن نے اسمبلی سکریٹ ور زور پایو تھو جے کہ وے آسانی نال سمجھن تے رائے واسطے دستاویز نانہ آسان بناویں تے اس دوران اسمبلی سپیکر نے اُن کا خدشات نانہ تسلیم کیو تے ترے چار دناں گے اندر آسان ورزن جاری کرن ور اتفاق کیو جیہڑو اج کی بحث ور اگلو مرحلو طہ کرے غو۔

ANNOUNCEMENT

علاقائی خبراں آلو شعبو آکاشوانی جموں گی طرفوں ضلع کٹھوعہ واسطے عارضی نامہ نگاراں یعنی پی ٹی سی گو پینل بنان غی خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا امیدوار درخواست دے سکیں گا جہیرا ضلع کٹھوعہ غا بسنیک وین تے اُن غی عمر غی حد ۴۲ براں تیں ۰۵ براں توڑی مقرر کی گئی ہے۔ پی ٹی سی غی اس پوسٹ واسطے تعلیمی قابلیت پی جی ڈپلمو یاہ صحافت غا شعبہ مانہہ ڈگری یاہ فر کسے وی تسلیم شدہ یونیورسٹی تیں گرجیشن غے ہمراہ ۲ براں غو صحافت مانہہ تجربو مقرر کی گئی ہے۔ اس توں علاوہ کمپیوٹر تے وڈ پروسیسنگ نالے خبر اکٹھی کرن آلا آلات تے میڈیا کوریج مانہہ تجربو وی ضروری رکھیو گیو ہے عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے جے وے ضلع صدر دفتر کٹھوعہ یاہ اس تیں ۰۱ کلو میٹر غا دائیرہ غے اندر رہائش پزیر وے۔ اس سلسلہ مانہہ درخواست غی ہاڈ کاپی ضروری دستاویزات غے ہمراہ ہیڈ ريجنل نیوز یونٹ آکاشوانی پنچترتھی جموں مانہہ بڑاں خودد آئیندہ ۵۱ فروری توڑی دینی ویگی۔ اس بارے مزید جانکاری ور دستیاب ہے۔ www.newsonair.gov.in ویب سائٹ

ITRs

آکاشوانی جموں غا نمائندہ غی رپوٹ غے مطابق وزارت خزانہ نے لوک سبھا مانہہ دسیو کہ جموں کشمیر مانہہ اینکم ٹیکس ریٹرن فائل کرن آلاں غی تعداد پچھلا ۵ براں مانہہ ۴ اشاریہ ۹۴ لکھ تیں بدھ غے ۶ اشاریہ ۳۴ لکھ ہوگئی ہے یوہ اضافو حکومت غی ڈیجیٹل صلاحیت تے مالی نگرانی غی وجہ تیں ہوو ہے تاہم تقریباً ۹۵ فی صد ٹیکس جمو کران آلاں نے صفر ٹیکس ہون غو زکر کیو ہے۔

PDC POONCH

پونچھ ضلع گا تقریباً ۶۱ اسکولان نے وزیر اعظم نریندر مودی گا انٹریکٹو پروگرام پریکشا پہ چرچا کی ویب کاسٹ مانہہ حصو لیو جت اُن نے امتحانی تتاؤ تے تعلیمی ارکان نال نمر دن واسطے طلباء نال خطاب کیو ضبط مانہہ اس تقریب گو سب توں برو مرکز سرکاری مڈل سکول دھنٹ وچوں نشد کیو گیو تھو جہیڑو قبضہ لکیر گے نیڑے کے جی سیکٹر مانہہ واقع ہے واضع رہ جے محدود وسائیں گے باوجود اساتزہ نے اس گل نانہہ یقینی بنایو کہ طلباء پروگرام دیکھ سکیں سرکاری مڈل سکول دھنٹ گا ایک اساتزہ درشن کمار نے کیو جے بنیادی ڈھانچہ کی رکاوٹاں کی وجہ نال اُن نے سٹیش نانہہ موبائل فون گے زریوے چلائیو گیو۔
